

UGOVOR

Br. 0602-1913-6/19

o nabavci pružanja usluga ispitivanje, kontrola i zamjena aparata za gašenje početnih požara i hidrantske mreže

UGOVORNE STRANE

UGOVORNI ORGAN: KJKP „POKOP“ d.o.o. Sarajevo, Mula Mustafe Bašeskije 38, kojeg zastupa direktor, Goran Cerić (u daljem tekstu: Ugovorni organ)
ID broj: 4200119040004, porezni broj PDV: 200119040004

DOBAVLJAČ: „HSC“ d.o.o. Sarajevo, Veliki Kačenik 38, kojeg zastupa direktor, Sakib Hadžiarapović (u daljem tekstu: Dobavljač)
ID broj: 4200454930006, porezni broj PDV: 200454930006

UVODNE ODREDBE

Član 1.

Ugovorne strane sklapaju ovaj Ugovor na osnovu provedenog Direktnog postupka za javnu nabavku – pružanja usluga ispitivanje, kontrola i zamjena aparata za gašenje početnih požara i hidrantske mreže, prihvaćene ponude Dobavljača broj 0602-1913-4/19 od 20.05.2019.godine, i Odluke o izboru najpovoljnijeg ponuđača broj 0602-1913-5/19 od 21.05.2019.godine.

PREDMET UGOVORA

Član 2.

Predmet ovog Ugovora jeste pružanja usluga ispitivanje, kontrola i zamjena aparata za gašenje početnih požara i hidrantske mreže u službenim prostorijama i vozilima KJKP POKOP d.o.o. Sarajevo, a prema zahtjevu Ugovornog organa, a prema prihvaćenoj ponudi sa specifikacijom usluga koja čini sastavni dio ovog Ugovora.

UGOVORENA CIJENA

Član 3.

Ugovorena cijena za usluge iz člana 2.ovog Ugovora iznosi :

Cijena usluge koja su predmet ovog Ugovora bez PDV-a iznosi	3.235,00 KM
PDV na ponuđenu cijenu usluga iznosi	549,95 KM
Cijena usluge koja su predmet ovog Ugovora sa PDV-om iznosi	3.784,95 KM

Cijena usluge navedene u ponudi je nepromjenjiva u toku trajanja ugovora.

PLAĆANJE

Član 4.

Ugovorni organ će plaćanje cijene iz člana 3. ovog Ugovora, izabranom Dobavljaču izvršiti u roku do 30 (trideset) dana nakon prijema uredno ispostavljene fakture za izvršenu uslugu, na transakcijski račun naznačen na fakturi. Dobavljač je dužan izdati/sačiniti fakturu u skladu s odredbama pozitivnih propisa, u suprotnom ista neće biti plaćena i bit će vraćena Dobavljaču na usklađivanje. Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

ROK REALIZACIJE

Član 5.

Dobavljač se obavezuje pružiti usluge, propisanog kvaliteta, u dogovoreno vrijeme i prema zakonskoj regulativi iz oblasti predmetne nabavke.

Periodični pregled i servisiranje svih uređaja i opreme navedenih u članu 2. ovog Ugovora, a u okviru usluga održavanja i servisiranja aparata za gašenje početnih požara i hidrantske mreže, Dobavljač je dužan izvršiti svakih šest mjeseci, odnosno 2 (dva) puta za ugovorni period od 12 (dvanaest) mjeseci.

UGOVORNA KAZNA

Član 6.

U slučaju kašnjenja u izvršenju usluga do kojeg je došlo krivicom odabranog Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene usluge za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti usluge koja je predmet nabavke.

Odabrani dobavljač je dužan platiti ugovorenu kaznu u roku od 7 (sedam) dana od dana prijama zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao utjecati, niti ih predvidjeti.

OSNOVNE OBAVEZE DOBAVLJAČA

Član 7.

- Dobavljač je dužan usluge iz člana 2. ovog Ugovora, koji uključuju ispitivanje, kontrolu i zamjenu aparata za gašenje

početnih požara i hidrantske mreže, vršiti prema uslovima i propisima Zakona o zaštiti od požara i vatrogastvu (Službene novine Federacije BiH", broj 64/09), i u skladu sa odredbama čl-14-22 Pravilnika o izboru i održavanju aparata za gašenje početnog požara koji se mogu stavljati u promet sa garantnim rokom i rokom servisiranja („Službene novine Federacije BiH“ broj 46/11) kao i u skladu sa Pravilnikom o tehničkim normativima za unutrašnju i

spoljašnju hidrantsku mrežu, pomoću mjernog instrumenta izvršiti mjerenje hidrostatskog i hidrodinamičkog pritiska

u hidrantskoj mreži i provjeriti stanje opreme u hidrantskim ormarićima.

- Dobavljač je dužan Ugovornom organu dostaviti zapisnik-izvještaj o izvršenom ispitivanju, pregledu kontroli i servisiranju, odnosno funkcionalnoj probi sistema i uređaja u skladu sa članom 10. Pravilnika o izboru i održavanju aparata za gašenje početnog požara koji se mogu stavljati u promet sa garantnim rokom i rokom servisiranja ("Službene novine Federacije BiH", broj 46/11).

- Dobavljač se obavezuje na obezbjeđenje prioriteta u pružanju usluga koje su predmet Ugovora;

- Osigurati potpunu primjenu svih zakonskih mjera i sredstava zaštite na radu;

- Usluge vršiti stručno i u skladu sa važećim zakonskim propisima za što snosi punu odgovornost;

- Preduzeti sve potrebne mjere da ne dođe do oštećenja drugih instalacija na objektu. Ukoliko dođe do oštećenja obaveza je iste zamjeniti i dovesti u prvobitno stanje;

- Pridržavati se propisa, tehničkih normativa, važećih standarda i pravila struke;

- Otkloniti sve štete koje su nastale na opremi njegovom krivicom.

OSNOVNE OBAVEZE UGOVORNOG ORGANA

Član 8.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. ovog Ugovora).

Ugovorni organ je obavezan da obezbjedi pristup u sve prostore u kojima je potrebno izvršiti dogovorenu uslugu.

RASKID UGOVORA

Član 9.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne izvrši uslugu kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorne strane su saglasne da ni jedna strana drugoj neće dugovati nikakvo obeštećenje, niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 10.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 11.

Ugovorne strane su saglasne da se na sve što nije regulisano ovim Ugovorom, primjenjuju važeće odredbe Zakona o obligacionim odnosima.

Član 12.

Ovaj Ugovor se zaključuje se na period od 12 (dvanaest) mjeseci, od dana obostranog potpisivanja ugovora.

Član 13.

Ovaj Ugovor je sačinjen u 6 /šest/ istovjetnih primjeraka, od kojih Ugovornom organu pripadaju 4 /četiri/ primjerka, a ostala 2 /dva/ Dobavljaču.

UGOVORNI ORGAN
KJKP „POKOP“ d.o.o. Sarajevo

direktor, Goran Cerić



DOBAVLIJAČ
„HSC“ d.o.o. Sarajevo

direktor, Sakib Hadžiarapović



Broj, 0602-1913-6/19
Sarajevo, 21.05.2019.god.

Broj, 212/19
Sarajevo, 21.5.19. god.